



安徽通志

ル 5
1575
48



門 凡 〇 5
1575
48



重修安徽通志卷一百四十一

職官志

名宦 五

安慶府

漢劉駙駘為樅陽長以病免民歌而思之曰悒然不樂思我劉

公何時復來慰我下民 後漢書劉珍傳

吳孟宗為監魚池司馬自結網捕魚作鮮寄母母還之曰汝為

魚官作鮮寄我非避嫌之道 錄吳

唐獨孤及字至之洛陽人天寶末歷濠舒二州刺史歲旱鄰郡

逋亡什四以上舒人獨安以治課賜金紫 唐書本傳

張萬福元城人累攝壽州刺史舒廬壽都團練使州送租賦為

盜所奪萬福領兵襲賊盡得所亡并先掠人妻女財畜萬計還

其家又攝舒州刺史督捕淮南盜賊窮破株黨唐書本傳增修

魏信陵吳縣人貞元中為舒州望江令愛民如子歲旱齋戒為

文痛自引咎以鐵版丹書禱於神雨驟至及受代民遮道不得

去後卒於官將輿歸邑民號哭畱葬治所南畿志

胡珣字潤博宗城人貞元中刺舒州歲大熟麥一莖數穗閭里

歌舞之考功以聞韓愈胡良公神道碑

韓震元和八年令桐城自開元中徙治山城地多獍虎毒虺震

焚蕪草木其害遂除民始獲安江南通志

鄭穀滎陽人守舒州水旱小沴虔禱輒應齊楚飛蝗為災將及

舒穀夙興告於神蝗即為雪雹所糜爛百姓歌曰禾稼美如雲

實由鄭使君江南通志

宋馮瓚字禮臣歷城人知舒州境內有菰蒲魚鼈之饒居民採

以自給防禦使司超盡徵之瓚奏請蠲除從之宋史本傳

李炳肥鄉人知舒州太祖征金陵緣江供億惟舒尤甚以勞加

侍御史宋史李炳傳

游酢字定夫建陽人知舒州再知濠州罷歸酢莅官遇僚吏有

恩意人樂自盡而無敢慢其令者惠政在民戴如父母故去則

見思久而不忘各臣言行錄

劉沆字冲之吉州人通判舒州有大獄歷歲不決沆數日決之

宋史本傳

李孝基字伯始鄆城人通判舒州舒吏受賂鬻獄以殺人罪加

平民孝基劾治三日得其情即抵吏罪宋史李迪增修

李寯字君儀豐城人為舒州司理治懷甯盜獄平反三人時王

安石為州判因欲抵懷甯令罪寯不可司理院月評物價寯特

昂絹直安石詰其故曰計賊以絹為量歲饑民多為盜賊不滿

江西通志

匹則緩於死不爾三絹殺一人矣安石服而謝之

楊希元元豐中知舒州近城有大澤出瀾山注北門外暴水漂

一統志

居民希元築捍水隄一千一百五十丈置洩水斗門二遂免淫

宋史本傳

潦入城之患璽書獎諭

李師中字誠之楚邱人神宗時知舒州在官不貴威罰務以信

服人至明而恕去之日民擁道遮泣馬不能行

黃庭堅字魯直分甯人知泰和縣以平易治徽宗時知舒州以

德化民不事筆楚愛山谷寺林泉之勝築精舍於傍自號山谷道人

趙師傳紹興中知望江縣創純孝亭於南臺寺側合祀王祥孟

宗徐仲源三孝子以風勵民俗後淳熙中趙師循為令更繪三

賢像祀之在官亦有嘉政

一統志

孫知微以朝散大夫通判舒州紹興元年淮賊劉忠薄舒知微

繕甲兵勵士卒登陴固守城陷不屈賊怒斮而食之

宋史鄭振南畿志

蕭服字照甫廬陵人調望江令治以教化為本訪王祥臥冰池

孟宗泣筍臺皆為築亭刻唐縣令魏信陵文於石俾民知趨向

黃榦字直卿閩縣人先通判安豐軍淮西帥檄榦鞫和州獄以

疑未決夜夢井中有人呼囚詰之曰汝殺人投井矣囚驚服知

安慶府沿邊多警民情震恐乃請城安慶不俟報即日興工城

分十二料先自築一料計工費若干然後委官吏役民兵五千

人人役九十日而計人戶產錢起丁夫通役二萬夫人十日而

罷日五鼓坐堂濠砦官受命畢乃治府事理民訟接賓客閱士卒會僚佐究邊防利病次則巡城視役晚入書院講論經史是歲大旱榦登郡閣望潛山再拜雨即至後二年北軍破黃州淮東西皆震獨安慶安堵如故既而霖潦月餘巨浸暴至城屹然無虞舒人德之曰不殘於寇不蹈於水生我者黃父也宋史本傳增修

夏椅安慶通判元兵壓境制置使范文虎以城降椅義不肯屈仰藥而卒襟中有遺筆云職當其劇運逢其否負我君親方寸亂矣命無所逃當死而死五十六年歸其天理南畿志鄭祗以參政知安慶府冰槩之操終始不二後致仕去行李蕭然且減於來日至今稱廉吏云明統志按此傳與明郭維傳文意略同鄭郭祗維字形亦相似疑是一人而歧出者惟朝代懸隔而郭傳加詳姑兩存之

元陳甯宋德祐初元師下饒州甯匿山中巴延素聞甯賢下令不得甯即屠其地甯流涕曰奈何以我故而殘鄉里遂出見巴延送入京授泌州知州遷安慶府同知行府事嫗育噢咻皖人戴為慈母江南通志

翟居仁汴人至正閒為太湖尹縣北多水民田盡汙萊居仁築隄障之田大稔遂名翟公隄一統志

程宗傑肥川人至正閒為望江尹立學宮表徐仲源墓建麴大夫祠杜行田騷擾之弊立差役五等法邑民永賴一統志

戴昌以舉人為宿松尹立縣治建學校築壇壝闢田野庶政修舉一統志

韓建字公懋遼西人至元中以宗正郎中知安慶穎六盜起所在守令多棄城走建治城隍計軍實示民必守與賊大小百餘

戰皆敗之盜大忿乃悉眾來城南郭久曠為民居聯艦以為捍蔽盜縱火舟焚艦諸守將皆潰民走視建建方部署寮吏如平日民乃無恐且戰且撲盜轉西郭卻之東郭又卻之相火所經撤民屋材夜為柵盜無所利乃引去時余闕來成郡道聞城陷矣比至乃完問故父老皆曰韓公完我及安慶為陳友諒所陷建方臥病罵不屈求死甚急賊怒殺之昇尸去葬南門外江邊安慶府志一家皆被害城中民相率登城樓自捐其梯曰甯俱死此誓不從賊焚死者以千計其知名者萬戶李宗可紀守仁陳彬金承宗元帥府都事帖木補化萬戶府經歷段桂芳千戶火失不花新李廷玉葛延齡邱沓許元琰奏差兀都蠻百戶黃寅孫安慶推官黃禿倫友經歷楊桓知事余中懷甯尹陳巨濟凡十八人元史余闕傳

明譚啟宗字敬先知安慶府寇至啟宗帥殘民固守陳友諒死太祖憫江夏屢困戰鬪不忍加兵命啟宗往諭之啟宗宣明威德言論慷慨聞者感動厚其禮遇復命還安慶江南通志趙好德洪武初知安慶府時草創之初修理公宇均定賦役民咸便之明統志

陳希文洪武中懷甯縣丞時有指揮畢寅妄奏奪民地希文持不可寅躬詣縣浼希文希文叱出之事聞就令希文鞫其事朝廷嘉其剛直擢青州知府明統志

周濟洛陽人知安慶府故事民役以三等九則准之濟易以什伯之法民以為便郡中婚葬從奢下令約之歲時宴會甚張者罰如令風俗一變江南通志

鍾蕃字廷芳崇德人知安慶府嚴而當於法有侵官儲者夜投

火燬籍蕃有所疑故禱神而曰神告我收訊之其人引服聞者皆驚江南通志

張冕長垣人知安慶府嚴於惡惡樂於善善剛明之操僚吏敬畏安慶宿弊為之一洗安慶府志

俞益餘姚人永樂中知潛山縣地僻陋鮮學者益親為教督勤於民事而持己以廉卒於官貧無以斂民助給之一統志

謝驥成都人永樂中知宿松縣於城東黎協橋西開濬小河注學宮凡四境渠堰有資灌溉者次第修舉一統志

王昇永樂初為桐城縣丞時黃檗山虎白晝噬人昇禱城隍神三日虎忽自斃邑人至今傳之明統志

郭彧永樂中知安慶府德性寬厚未嘗疾言遽色事皆辦郡人戴之如慈父母焉明統志

賀懋山東臨清人正統間知太湖寬恕廉平為士民所愛戴秩滿當遷邑人走請大吏保畱在任凡十二年稱循良者無與懋

並祀名宦祠太湖縣志

陳恪歸安人成化中知宿松縣募民墾荒得田四百九十三頃粟二千七百餘石悉以償虛賦又積穀三萬二千石修塘堰數百區由是逃亡歸籍者五百餘戶一統志

宗信平度州人成化中潛山縣丞縣西有高地五萬餘畝小旱輒無獲信率其民鑿河三十餘里引吳塘水以溉之乃獲屢豐

一統志

許英河南洛陽貢生成化中太湖知縣溫厚清介明敏果決多善政先後郡守皆嘉之卒祀名宦太湖縣志

袁慶祥字德徵雩縣人成化間知潛山少有氣節嘗詣闕上書

繫獄杖幾死及來潛興學勸農平賦息訟不期年政績卓然江

志通

張夔黃巖人宏治中任望江教諭日課諸生寒暑不輟立企德亭於學祀諸先賢以倡諸生嘗督築西圩盡心籌畫邑人尙佛乃教以家禮民俗丕變一統志

胡儼字若思南昌人知桐城縣心存撫字政尙寬平蠲逋賑乏除虎驅蝗表祀循良歷有惠績鄭曉名臣記賦役必驗丁產句攝公事止遣信牌行移公文必於日中決之暇日輒詣學宮勸督儒

生後桐城人才獨盛皆其餘教所及明統志新增姚岳長興人宏治閒知宿松愛民禮士然不少假借異縣有民

負租課者族大而驕岳請於臺使者捕坐如律是時邑令北覲多括民財爲資岳獨秋毫無擾民有道獻者悉卻之江南通志

李承勛字立卿湖北嘉魚進士宏治閒太湖知縣惠而不費明而不苛政立而民輯邑人祠祀之官至兵部尙書祀名宦太湖縣舊志

志新增

楊茂元宏治末知安慶府文章政令炳然可觀勤恤民隱小歉則賑小沴則禱歲甲子旱甚憂形於色徧祀百神天乃大雨歲大熟民感之明統志

孫衍餘姚人知宿松縣廉介嚴肅百廢興舉鋤強扶弱民賴以安田地多荒而出有常賦衍奏免之去後見思明統志

張文錦字闇夫遼陽人正德中知安慶府宸濠來攻出府庫金懸城上向守備楊銳曰師行號令出於君而信賞係於我銳喜曰戎可以卽矣時文錦力疾坐城上以鎮眾心城賴以完南畿志

沈教慈谿人正德中知桐城縣邑正糧外有羨米三千餘石教

奏蠲之建桐溪書院置學田定祭器及古鄉射禮編為風教錄

一統志

王誥霸州人正德中知懷甯縣到官才旬日宸濠來攻誥獨守

北城晝夜與賊戰賊數敗卻以功遷知蘭州

江南通志

李純字在誠福建莆田進士知懷甯縣興學育才修城鑿井毀

淫祠創社學

福建通志 新增

周邦熙江西安福舉人官太湖訓導博洽好學教士勤懇言論

侃直縣令以下皆嚴重焉卒祀名宦

太湖縣志

郭紕浙江黃巖進士正德閒安慶知府冰檠之操貞一不二未

久致仕去行李減於來時卒祀名宦

太湖縣志 新增

王一鳴字石廩湖北黃岡進士太湖知縣平易豈弟善恤民隱

歲饑多逋賦不忍責民自鬻己產代輸邑人祠祀之

太湖縣志 新增

徐必達字元伏浙江嘉興進士太湖知縣民苦糧斛大小更易

請郡鑄鐵量為式盡革諸陋規立四門社學親課諸生時議開

前河未畢工以憂去縣人祠祀之

太湖縣志 新增

李遜新建人嘉靖中知安慶府桐城民以陂池為業後屬之官

且加課又蘆課亦於常額外歲增千金遜力請於上官悉免之

一統志

蔡幾漢陽人嘉靖中知望江縣修築西圩甚賴其利邑苦田賦

不均幾履畝清丈民始免無田之稅

一統志

楊銳南京羽林指揮守備安慶知宸濠必反嘗作大江自岷峨

至海圖實於彭蠡處致意又於安慶城內設井治鉤距火藥埋

地中及宸濠圍城眾戴版掘城號呼震天銳用布一方裊以紙

束火藥散於戴木上一時火發盡棄去寇夜成橋接城欲上銳

偽實大銃以石金鼓迎之寇望奔散即遣人由水穴出燒之相
守二十餘日知寇已懈乃使泅者入水次聞舟中鼙聲即刺殺
斬纜放舟於江中岸頭發火銃城上喊聲相接指揮崔文率眾
縱殺寇失措而返論功拜都督僉事南畿志

文階南充人嘉靖中知望江縣時景王就邸湖廣過望江供億
甚繁階裁以定式中官憚之戢其部弗敢譁一統志

胡纘宗字世甫泰安人由南吏部郎中擢守安慶築龍壩開吳
塘烏石堰以溉田修文廟祭器建射圃進諸生行鄉射禮暇即
講學郡齋人文蔚起江南通志

董進第字子庸直隸人嘉靖中知太湖縣一蔬一鮭不妄取於
民游潛山樵子歌曰山水之清猶有飛塵縣官之清不染一塵

江南通志

羅汝芳字惟德南城進士嘉靖中知太湖務以德化闢講堂與

諸生明聖學公事亦多決於其中吏民有過諄諄訓誡刑雖設
而不用時單騎尋勝樵豎不知其為官也乃自作歌曰我馬飲

清泉清泉照我馬童子不知官紛紛來馬下江南通志

陳于階兩人同姓名俱知桐城一為遵化人嘉靖末行一條鞭
法吏不擾民當事善之請檄天下以為式桐濱江有洲沃衍數

十里于階曰此可障而耕築隄成田歲穫穀數萬石民名之曰
陳家洲一曲周人萬歷初四郊清晏而于階修城民頗駭之及

流寇猖獗桐獨以城堅得全江南通志

翁溥浙江諸暨人嘉靖中知太湖縣仁恕明決禱雨驅蝗輒有
奇應祀名宦祠太湖縣志

龔世仰字惟仁龍游舉人任望江令地饒魚鹽蓄植歲有稅額

前令多取贏以十之五奉當道世仰以為剝民亟裁罷之

浙江通志

于廷采萊陽人萬曆中知潛山縣罄西隄挽南河以會東流修

築石閘民賴其利

一統志

陸元錫仁和人萬曆中知潛山縣幹理精敏尤畱心水利築沙

河清涼二隄歲乃常稔至今稱為陸公隄

一統志

張廷拱同安人萬曆中知懷甯縣苦徭役田賦不均多為貧

民累廷拱始定畝四丁一之制著為令咸服其平

一統志

吳之才字室白新昌人知懷甯政尙惇大不苛索細過歲苦蝗

之才諭民捕之計石給錢米明年水災復請蠲租賑給

江南通志

李一甯知懷甯縣淳實溫厚志在愛民不事矯飾冠服敝垢人

疑其詐及卒於官囊無數金笥無新衣可斂士民哀慟之

明統志

石簡字廉伯臨海人知安慶府均賦役定為圖籍

江南通志

王宗徐字鵝泉江西人知安慶府敝衣蔬食端潔峭直以忤當
路去官精形家者言於東郭外建浮圖七級以砥江流皖用是

曰盛

江南通志

蹇達巴縣人萬曆乙亥授安慶府丞權望江請城望江七閱月

告竣明年復董役城桐城後流寇殘破郡縣二城獨完

江南通志

張緒字無意漢川人桐城教諭少與張居正同舉後緒赴選部

居正趣使召之緒曰未見天子豈敢先謁相公由是不得官京

師緒講學民環聽者皆感奮會大計銓部將黜之皖守曾守檀

曰此天下第一流甯罷檀毋黜緒乃得畱既出不使緒知緒聞

亦不報謝

江南通志

常自裕鄆陵人安慶府推官天啟丁卯三王之國道經皖江先

聲拆毀河濬民居以開纜徑又取緯夫數千民間騷動自裕抗

議止之

江南通志

陳贊化山東朝城進士天啟開知太湖縣勤政愛民歲旱禱雨輒應一日謁城隍廟有豕躑躅隨入伏階下若訴冤狀贊化因詰曰若有冤耶其導之豕卽至市民胡某家遂繫胡初無所服贊化疑未決齋禱三宿胡忽昏瞶自言與其舅同謀一傭者隱屍牆下遂坐罪

太湖縣志

王治心忻州人崇禎庚辰授安慶同知不假人嘖笑居官灌園植蔬以自給所職江防屯糧至卽覈虛伍剔隱佃豪強憚之後乞致仕巡撫黃配元曰吾將表君爲諸郡標準何得遽及菟裘巡撫史可法亦疏言如王治心者不通長安一字然終不得調乙酉左兵破安慶治心具衣冠坐廳事厲聲罵曰爾客兵何故作逆爾皖兵何故助逆我清官王治心也恨不能盡殲爾輩遂

遇害

江南通志

杜先春官遊擊崇禎中賊掠太湖先春偵知進剿追賊於造家山斬獲甚眾賊復集五營併圍日久援師不至遂力戰死

太湖縣志

吳暢春漢陽人崇禎中爲潛山縣天堂巡檢時流賊正熾暢春

練鄉兵悉力防禦被執不屈死贈府經歷

一統志

李允嘉沈邱人崇禎中知潛山縣流賊賀一龍等攻陷城執允嘉及典史沈所安去索賄以贖允嘉曰死卽死耳以賄免是辱朝廷也賊索其印繫之腰閒罵不絕口與所安父子俱被害

志

一統志

來集之蕭山人崇禎壬午安慶推官時困兵荒罹法者眾集之訊獄詳慎小肯悉宥之癸未秋左兵萬艘泊江掠婦女無算集之抗義贖還民得完聚

江南通志

楊爾銘筠連人崇禎七年知桐城縣甫弱寇流寇圍城親率士

民格鬪得退寇氛益張登陴擊柝繕壘請援者七年城賴以完

尋擢御史

江南通志

嚴頤知桐城縣識達大體每以正風俗興學校為己任均徭役

革私斂獎善懲惡一惟至公故桐城人至今以胡儼並稱

明統志

張利民侯官人崇禎閒知桐城縣時張獻忠百計攻城凡四十

餘晝夜利民死守會總兵黃得功來援圍乃解城內安插孫羅

兩營兵三千禍不減賊利民委曲交歡兵民以安

江南通志

朱萬年浙江人崇禎中宿松縣典史流寇犯境松初無城守官

吏俱逃萬年獨以獄庫為己任不肯去賊至被殺於堂上

一統志

李盛英榆林人崇禎中知太湖縣流賊餘孽萬餘掠縣之西北

盛英率守備徐際相禦之許家寨初多斬獲尋賊勢益眾與際

相俱力戰死

一統志

楊卓然字又先湖南辰州進士崇禎乙亥太湖知縣率民兵襲

流賊走之遂創議建城親畚鍤為士民先二年而成移石山潭

糧倉於城內輸輓便之

太湖縣舊志新增

楊春芳湖南靖州人崇禎壬午太湖

舊志作太和知縣張獻忠入潁州府誤

明史趙興基傳

破城同典史陳知訓教諭沈鴻起訓導婁懋履死之

潘可大江甯人崇禎八年授安慶營守備擢遊擊丁丑寇大掠

可大與安池兵備道史可法四面堵剿以功加參將總兵程龍

進剿可大副之遇賊於鄆家店賊數萬騎來攻龍可大祇三千

人結營守且戰營破可大自剄龍自焚史可法招魂而哭之為

立祠城東

江南通志

張寶山四川人初隸總戎麾下史可法命率健丁八十人戍桐

城賊勢甚熾寶山身先士卒皆一當百授桐標營參將戰輒捷

辛巳賊格里眼叛寶山禦之戰死於魯砬山江南通志

戚國泰字甯宇義烏人初隸史可法軍崇禎十三年操江鄭二

陽命國泰駐大雷練鄉勇籍皆市人國泰申紀律數年遂成勁

旅升參將賊入境城西北角圯國泰夜密築疑城障之賊至城

已完恃以防固國泰凡守望江七年禦賊禦左兵皆以血戰卒

保孤邑江南通志

常信潛山縣丞以廉幹稱縣西豪民侵官地百餘畝信按籍復

之以處貧民凡百家堯年地高田五萬餘畝小旱輒不收信率

其民鑿河三十餘里引吳塘水以溉之頻歲有收民立廟祀之

晏殊知潛山縣以清苦自勵布衣糲食自處如寒士德政及民

既去士民紀其大者於遺愛碑祀名宦祠明統志

施元緒浙江人崇禎十五年授宿松丞時邑新破於賊加以蝗

疫元緒奉檄徵漕歎曰民食草皮再加敲扑民盡矣吾甯以一

人代千萬人之死晨起具衣冠端坐自縊事聞得邀蠲免民皆

感泣江南通志

趙繼春崇禎間以守備調守太湖時築城方半流賊突至遂戰

於洪家嶺孤軍無援力竭死之江南通志

金應元會稽人崇禎間知太湖賊寇潛山應元議請兵不果越

數日賊長驅入境應元自誓必死賊執之加刃於頸脅令跪應

元曰聚六州鐵鑄跪字不成賊怒殺之事聞贈太僕少卿蔭一

子江南通志

袁懋齡字大年豐城人崇禎間知望江兵荒洊至行賑恤力守

孤城鄰縣皆破邑獨全江南通志

徐從治海鹽進士知桐城縣操守清介勤於民事去桐三十載

士民思之祀名宦祠桐城縣志

詹貞吉四川巴縣人知太湖縣年甫及冠士民易之既任事摘

奸發伏如神祀名宦祠太湖縣志

國朝何元瑞富陽人順治二年由貢生任安慶府通判職司漕務

時民運軍運之議未定百姓苦於輸輓元瑞以民運一定貽累

非淺於撫軍前痛切言之遂著軍運為定制民得安業委署祠

城縣重士愛民輕徭減賦後以親老告歸浙江通志

賈壯字止菴襄城人順治丙戌進士知懷甯縣兵燹未久壯招

集流亡惠通工商或單騎巡行田間諮民疾苦時滇閩楚粵用

兵懷為八省孔道供億繁劇壯儲待有素即羽檄紛馳莫不咄

嗟立辦復建學宮輯邑志百廢具舉以課最擢戶部主事歷官

僉憲江南舊通志

李世洽直隸束鹿人順治丁亥進士知太湖縣土寇盤踞山鄉

邑治屢被侵掠世洽集居民訓練堅壁拒守賊不敢犯復以計

招撫呂孟張盡等解甲歸農被脅投誠者三千餘人民獲安堵

太湖縣志

鄭適元密雲人順治己丑進士知潛山縣兵燹後一意撫綏修

舉廢墜操江都御史李日芄檄取邑志歷百二十年未修適元

排纂詳覈上之與鎮將梁大用協築土城自此守禦有備民樂

安堵江南舊通志

常大忠字二河交城人順治壬辰進士知潛山縣邑籍無稽大

忠單騎履畝清丈賦役以均建立書院捐資置學田於邑治建

庫樓各鄉立眺臺以備守望又折衷古禮及律書著冠婚喪祭之制民皆遵行之

江南舊志

張洪極香山人順治八年知桐城縣會歲旱徒跣走四十里禱於屋脊山得雨踰年復旱亦如之桐當孔道時大兵往來洪極拮据措辦不擾民間歲餘去官士民惜之

江南通志

黃熙纘字敬菴晉江人順治甲午舉人授安慶府推官署郡事會海氛告警安慶以上游孤峙人情洶洶熙纘誓眾登陴悉力捍禦有持偽檄至者立縛置獄中已而大兵會剿熙纘率各營水師追擊之以功擢刑部給事中世襲三等阿達哈哈番

志

江南舊通志

鄔汝楫江夏人順治乙未進士十五年知桐城縣夙有威名豪強為之斂跡前令葉桂祖革除里役汝楫踵行愈力又均魚課

本折解費延塾師於四門城樓資之館餐俾教民間子弟

江南通志

趙世貞字興公開原人知安慶府清慎愛民均地丁省徭役捕

蝗禱雨皆有實政在郡十年民安訟息卒於官蕭然無以斂民

肖像祀之

江南舊志

遲大魁奉天人順治閒為宿松縣丞值江西金聲桓亂邑與九

江接壤逆黨突至有勸之偕逃者大魁義不苟免罵賊而死

通志

王凝命陽信人順治閒知桐城九年清廉潔己尤善造士洎內

擢士民為勒碑孔道以誌去思

桐城縣志

盧肇治烏程人順治中知宿松縣邑當凋瘵之餘悉心撫字閭

里安恬流亡復業時比之和風瑞日

江南通志

孫繼文奉天人順治中知宿松縣素嫺勇略大兵至皖策應調

度悉協機宜塵市不驚鄉民安堵江南通志

張茁字文霞嘉善人順治十三年知安慶府汙萊初墾闢者苦

額賦不支茁力請上官題請三年後起科瀕江蘆洲多坍卸茁

單騎親丈酌腴瘠均廣狹洲民咸得甦息江南通志

王民皞字孟遷臨川人順治十五年知宿松縣勸民節用務本

墾荒田千頃有奇奉檄丈畝為畫圖以進造冊編審戶丁釐剔

詭寄會部使者丈州民皞徒行露宿供億悉出俸錢又力請豁

明季新增之課得

旨報可江南通志

劉效曾字東皋湖廣人康熙閒知懷甯縣自題堂柱云不愛錢

不徇情不惜官不沽名在任數年人以為不負此四語安慶府志

高攀桂錢塘人康熙閒知桐城縣革除陋規力行善政後以被

誣去官縣人泣送市為之空安慶府志

王崇曾字宗魯直隸開州人康熙閒任太湖知縣寬厚清廉人

不敢干以私命鄉者逐里清丈田畝歲旱請改漕糧折色民祠

祀之至今猶相率致祭太湖縣志 新增

朱卷字黃初福建莆田舉人知宿松縣歲饑出貨市米分路設

粥又建積穀倉倡捐勸輸以備救荒邑有彭惠安韶祠年久頹

壞卷為修復仍置租充祭楚逆夏包子猖獗據斬黃離邑三十

里卷竭力効守民賴以安行取入都邑人建生祠祀之福建通志 新增

唐宗聖廣西永甯舉人康熙閒任宿松知縣以德化民囹圄空

虛者數年編審漁戶得免賠課之累在任十餘載愛民如子邑

人祠祀之宿松縣志 新增

徐士林字式儒山東文登進士雍正五年授安慶府知府明於聽斷勤於治事廉儉自勵教士矜名節務根柢屬吏來謁輒具獄命判以試其才每讞定必先摘大略牌示吏不得因緣為奸後官至江蘇巡撫祀

京師賢良江蘇名宦祠懷甯縣志 新增

郭起元閩縣人太湖知縣疏塘陂建義學福建通志 新增

王炳估字吉人廣西舉人乾隆間知望江縣每徵糧懸金於倉門吏或浮收許納戶自擊之炳估聞聲即出懲吏漕政肅清以失儀於上官劾罷望江縣志

龐克嶷字九峰榆次進士乾隆間知望江縣凡姦盜飲博爭鬪諸積習一時斂戢每臨漕倉督吏胥遂革浮收之弊望江縣志倪廷模浙江仁和人乾隆二十六年知潛山縣平反疑獄摘發

如神榜無賴民繩之以法眾皆斂跡捕盜散其黨民獲以安邑有土城就圯廷模請帑監修周十里高十餘丈屹然稱保障焉

潛山縣志

安清翰山西垣曲人乾隆二十三年知潛山縣以儒術飾吏治修崇聖祠葺書院濬城河巡視畚鍤不避煇蒸水滂有備至今

利賴之潛山縣志

靳宗著濟甯人乾隆三十年職官表入知桐城縣才德兼長人愛以服有匿名揭帖之案宗著在省典史遽以上聞宗著力辨桐民素善萬無反理大吏將治兵止之急返廉得奸民以細故欲陷其仇置之法邑人得安堵焉後知休甯定輪管社倉之法休民便之桐城縣志 休甯縣志

吳易峰江西高安人乾隆間知太湖縣開水利建講院輯志乘

重刊安慶通志 卷一百四十一
士民德之

太湖縣志

余心暢江西奉新人乾隆乙未進士知太湖縣慈惠愛民邑有熙湖書院在龍山西歲久就圯心暢捐俸倡修改建城內增給膏火復建考棚於其側去任後邑人立生祠於講堂右以祀之

太湖縣志

呂榮字幼心江蘇陽湖人嘉慶五年署懷遠知縣值歲饑民相劫奪峻法懲之乃定有巨盜久不獲榮訪獲之並盡得其贓次年調桐城南下車即以振興文教爲己任桐之城鄉書院凡五年按月親詣督課多士其餘農田水利賑恤諸善政不可枚舉折獄廉明健訟者不敢赴愬邑人畏愛之

懷遠縣志

桐城采訪舊志鳳陽府名宦

汪恩字芝亭上元人嘉慶己未進士由主事出知四川南江縣

有異政歷升潁州府知府調安慶在任數年民安訟息郡以歲五月賽城隍傾城奔走宰雞數萬惻然憫之乃作戒殺雞文諄諄曉諭勸其以生雞奠即以放生百姓感其意無一違者升安徽甯池太道卒於任士民懷之

府册上舊志

以

廖大聞字鍾隱廣西臨桂舉人嘉慶閒署宿松知縣清釐積案愛民敬士歷任望江天長霍山建平鳳陽皆著循聲調補桐城敬教勸學興利除弊捐培文天成兩書院月餼創建考棚義學士民懷之

宿松桐城等縣志以下新修

劉韻珂字玉坡山東汶上拔貢由小京官歷刑部員外郎授徽州府知府有惠政道光十一年調安慶府知府值水災於官賑外捐廉倡率勸輸得萬餘金起明年二月盡六月賑饑民十餘萬人金不足至典售服飾以益之其冬捐給棉衣襦袴數千領

尋擢雲南鹽法道士民泣於野為詩送行官至閩浙總督懷甯縣志
趙仁基字厚子江蘇陽湖進士道光十一年由江西知縣調任
涇縣知縣署懷甯判決滯獄感格凶頑齋禱於室而四境時雨
立應十三年捕獲江蘇桃源掘河奸民陳端

優詔褒勉以直隸州升用十四年補滁州十七年調六安甫數月升山

西知府歷湖北按察使卒官求闕齋文鈔

王成璐字廉普湖北江夏進士由庶吉士改知縣道光十五年
任桐城以興文教培人材為務捐廉課士勸學勤懇地方利弊
諮詢父老故能洞悉民隱歷霍山南陵宣城皆有聲官至貴州
布政使桐城縣志

李善旭字閔仙山西朔州舉人道光二十年任潛山知縣捐廉
倡修城池築河隄親督工役大水突至以身當之水立退潛山縣志

吳春耀字芸渠順天宛平人任太湖縣典史道光庚寅縣東南
偏災綏輯饑民平減市價倡捐平糶七十餘日積勞卒官請祀

名宦太湖縣志

平源字沛霖浙江山陰人順天籍咸豐二年署懷甯縣典史三
年正月粵匪竄偏省城獄囚聞警譁變源親往彈壓城旋陷罵
賊死之

賜祭葬銀兩祀昭忠祠世襲雲騎尉懷甯縣志

張寶鎔字凝初河南虞城人道光二十七年任太湖縣歲蝗親
詣捕滅蛟水決城隍倡捐修葺教民植桑養蠶伐蛟之法咸豐
三年粵匪踞城四年寶鎔導官軍襲取之未幾復陷寶鎔與典
史甘肅哈密人魯純信白洋外委范履祥死之是役也候補直
隸知州博勒霍布率兵來援城陷同帶勇之徂松知縣劉東書

英山知縣祝昌奎候補主事祝澂鑑候選知縣陳韶鳴候選訓導沈周丙和尚灘巡檢俞元齡候選千總史克諧陳開泰議敘八品陳春輝等均陣亡並各

賜卹如例太湖縣志

德成滿洲正藍旗人道光二十九年任潛山營遊擊咸豐三年

廬州陣亡潛山縣志

塔思哈鑲黃旗蒙古人任潛山營遊擊咸豐三年同潛山營守備凌發桂帶兵至廬州經霍山火燒嶺遇賊接仗發桂及其子某均陣亡塔思哈收集潰兵出隊烏家集力戰陣亡兵丁死者四十一名潛山縣志

李錫榮臨桂諸生援例選懷甯縣丞時皖省僑治廬州錫榮赴廬聽委檄巡西門咸豐三年城陷同族子李某家丁宋升皆遇

害采訪冊

衛君選山西趙城舉人咸豐二年任望江知縣儲積倉穀籌修城垣三年正月髮賊自九江東竄城陷君選同典史張寶華坐堂上罵賊不屈死寶華妻賈氏自經時署華陽鎮巡檢王泗聞警馳入城亦死之均

贈卹如例祀昭忠祠寶華江甯人泗浙江山陰人望江縣志

陳采綸揀發同知代理安慶府事咸豐九年從巡撫翁同書守定遠城陷與安慶營把總張濱甘泉潛山營把總張榮均死之采綸照知府陣亡例

優卹張濱甘泉張榮各如例定遠縣志
翁同書奏案

周景濂字娛陔貴州舉人以協守定遠功由知縣保直隸州咸豐十年署望江知縣兵燹後撫綏休養剔弊鋤奸時大軍環攻

安慶水陸軍需由望江轉運辦理裕如積勞卒官縣人祀之

望江縣志

達凌阿滿洲人安慶府通判咸豐十一年苗逆圍壽州達凌阿

守西城同嘉湖衛守備春林俱陣亡又候補知縣浙江宋德謙

縣丞河南梁耀成江西萬景賢從九品山西魏漢章均死之

壽州志

重修安徽通志卷一百四十二

職官志

名宦六

徽州府

吳賀齊字公苗山陰人遷威武中即將討丹陽黠歙時武彊葉

鄉東陽豐浦四鄉先降齊表言以葉鄉為始新縣而歙賊帥金

奇黠帥陳僕等臨高下石不可得攻齊陰募輕捷士夜令潛上

大破僕等復表分歙為新定黎陽休陽并黠歙凡六縣權遂割

為新都郡齊為太守

三國志本傳增修

宋羊欣太山人新安太守在郡四年簡惠著稱

宋書本傳

江秉之考城人補新安太守轉臨海並以簡約見稱

宋書本傳

齊蕭穎胄字雲長南蘭陵人為新安太守吏民懷之

齊書蕭赤斧傳

梁伏暉字元曜安邱人爲新安本傳作東陽太守民賦不登者輒以

太守田米助之郡多苧麻家人至無以爲繩其厲志如此屬縣

同時爲立生祠梁書本傳

任昉字彥昇樂安人天監六年爲新安太守不事邊幅率然曳

杖徒行民通詞訟者就路決焉期歲卒官闔境痛惜共立祠堂

於城南梁書本傳

徐摘字士秀郟人大通三年爲新安太守爲治清淨教民禮義

勸課農桑期月之間風俗便改梁書本傳

唐蘇瓌字昌容武功人歙州刺史時來俊臣貶州參軍人懼復

用多致書請瓌瓌叱其使曰吾忝州牧高下自有體能過待小

人乎唐書本傳

薛稷字嗣通汾陰人爲黟令今有薛公祠碑廣德三年立南畿志

劉贊字公佐大厯中歙州刺史觀察使韓滉奏其治有異行加

金紫唐書劉知幾南畿志

崔淙字君濟博陵人刺歙州簡約束明信誓懲害郡之奸除險

詭之俗召拜長安令南畿志

崔元亮字晦叔磁州人元和初歙州刺史歙人馬牛生駒犢官

籍蹠噉故吏得爲奸元亮焚其籍一不問民山處輸租苦之下

令許計斛輸錢民賴其利唐書本傳

邢羣字渙思河間人刺歙州時杜牧爲睦守問往來者邢君何

以爲治曰急於束縛黠吏冗事弊政不以久遠必務盡根本牧

歎曰邢君去縉雲日老稚泣送於路用此術也南畿志

呂季重河東人爲歙州刺史歙東南有車灘湍悍每覆舟季重

出俸錢疏鑿遂成安流因名呂公灘南畿志

路閔恭代元和中令祁門邑西武陵嶺險隘因鑿石為盤道又

閩門溪水壞舟開斗門洩之今號路公溪南畿志

陳甘節咸通三年令祁門時閩門溪斗門久廢甘節以俸募民

穴石積木為梁因山派渠餘波導入乾溪舟行乃安程敏政新安文獻志

宋梁鼎字凝正華陽人端拱初通判歙州以能聲聞有詔嘉獎

宋史本傳

李紘字仲剛楚邱人知歙縣歙故產金金盡賦如舊紘奏罷之

後為呂夷簡所薦官至龍圖學士歙縣志

張煦開封人雍熙中為歙州監軍凶人黃行達弟坐法抵死行

達誣州將故入其罪詔宣州通判姚鉉與煦鞠之即日決遣統志

李維字仲方肥鄉人咸平中知歙州起學舍歲時行鄉射之禮

入為戶部員外郎宋史本傳

歐陽穎字孝叔廬陵人知歙州有盜殺人於市捕三年不獲穎

至得之治七州皆有聲南畿志

鮮于侁字子駿閩州人慶歷中調黟縣令攝治婺源奸民汪氏

富而很橫里中因事抵法羣吏曰汪族敗前令不少今不舍後

當貽患侁怒立柱之惡類屏跡宋史本傳

盧知原字行之平江人知歙縣善決獄他縣有獄多詣朝省外

臺乞求送歙後官禮部侍郎歙縣志

胡順之字孝先臨涇人知休甯縣民有汪姓者豪橫縣不能制

歲租賦常不入適以訟逮捕不肯出順之曰令不行何以為政

命積薪環而焚之豪大駭少長趨出叩頭伏辜宋史本傳

曾孝蘊字處善晉江人徽宗時江浙荆淮發運使泗州議開直

河以避漲溢沙石之害孝蘊以淮汴不相接不可成既而成之

未幾河塞宣和二年知歙州方臘起青溪孝蘊敕郡內無得奔

擾分兵阨塞人恃以安宋史曾公亮增修

洪造字彥襲鎮江丹陽人授歙縣尉方臘陷郡縣造使家人開

道奉親歸而身當其衝據險殺賊賊憤甚及城陷見害事聞壘

書褒之蔭一子將仕郎歙縣志

蘇轍字子由眉山人元豐間知績溪縣時令江東諸郡市買戰

馬他邑預括民馬吏緣為奸轍曰取馬使者未到徐為之備可

也及州符至縣督馬轍乃以夏稅違期為由召諸鄉保正副詰

之曰誰為有馬者眾以實對復諭之曰事止此矣取馬者至則

出馬不至則已皆再拜曰幸甚然取馬者卒不至南畿志

黃誥字君謨岳陽人紹聖二年知歙州首謁先聖升堂講周禮

諭父老遣子弟入學聽講更勸學舍明年登第者十八南畿志

章元振字時舉崇安人進士知徽州休甯縣丁方臘之亂元振

極力撫綏屬嚴州寇繼發督兵捍禦縣賴以安福建通志

毛粟宣和初為徽州司士參軍嘗攝州事適睦寇陷城執粟欲

降之不屈罵賊死舉家遇害南畿志

盧宗原宣和三年知徽州睦寇既平奉詔修築城垣即大輒隱

起為文以戒後人無忘寇難綜理有道民賴以安南畿志

鞠嗣復宣和初知休甯縣方臘黨破縣脅使降嗣復罵曰何不

殺我賊曰我縣人也明府有善政我不忍殺乃委之而去初嗣

復聞難率吏民修城立門眾赴工守備略就朝廷知之進其官

二等宋史本傳

陳洙建炎閒知祁門縣為政嚴平賞罰明允時值盜起洙簡練

弓矢哀集兵民與民約以死自誓賊不敢犯一統志

郝升卿乾道三年知徽州奏罷科錢及歙縣絹南畿志

趙師夔字汝初以祖恩補官調蕪湖簿尋知徽州新學舍累遷

江東運判池州軍帥霍政與守臣上書相攻詔夔究曲直政密

遣人求庇師夔斥之具言狀政坐罷去乾道閒鎮新安歲祲遣

郡從事下邑計口授粟摘奸慙釐積弊凡民所不便者皆罷之

郡人立祠於天慶觀宋史本傳南增修

舒璘字元質奉化人乾道中為歙州教授徽習頓異時詩禮久

不預貢士書幾無傳璘作詩禮講解家傳人習自是其學寢盛

丞相留正稱為當今第一教官宋史沈煥傳

陳居仁字安行興化軍人淳熙初知徽州至則告以天子節經

費以惠儉瘠不能推廣聖德吏則有罪乃招三衙軍植二表於

庭有輸納中度而遭抑退者抱所輸立表下親視之人無留滯

吏不能措手鄰州有訟多詣臺省乞決於居仁秩滿邦人挽留

由閒道始得去宋史本傳

喬夢符字世用東陽人淳熙二年進士知歙縣有大達當水衝

居民歲苦霖潦夢符為築隄鑿渠人免水患號喬公街浙江通志

增

向綜開封人知歙縣事性寬裕善治劇籍閭里惡少年有盜發

用以推迹輒得民服其神一統志

祝禹圭字汝玉信安人淳熙中知休甯縣為政清簡常著東西

銘解朱子為作新安道院記新安文獻志

李子宣知婺源縣請蠲無名之稅南畿志

陳宗翰字季立知祁門縣邑人歌之云天下無雙潁川公祁門志

張拱辰字南暉淳熙中知祁門縣歲旱躬踐深山循行阡陌視所傷之處蠲其租賦邑人歌曰桑底不聞兒捕雉道旁只見馬

畱錢

新安文獻志

盛文昭知婺源縣敏而能察固圉未嘗妄繫一人

南畿志

龔椿字永年紹熙間知祁門歲饑與縣尉姚淑問發常平粟以

賑不待報曰但活一縣百姓卽失官何憾秩滿兒童裂綵爲旗

聯句曰龔父活我福壽千春亦餞姚尉曰薰陶和氣一千日全

活饑民十萬家

新安文獻志

徐誼字子宜溫州人光宗時知徽州歙縣有妻殺夫繫獄以五

歲女爲證者誼疑曰婦人能一掌致人死乎緩其事未覆也會

郡究實稅於庭死者父母及弟在焉乃言我子欠租久繫饑而

大叫役者批之墮水死矣然後冤者得釋吏皆坐罪闔郡以爲

神宋史本傳

趙希遠字安父嘉定初守徽州飛蝗翳日希遠禱於神蝗散山

谷中翌日皆死米價騰踊卽發廩賑給兼勸富民捐粟爲助全

活無算

南畿志

袁甫字廣微鄞縣人知徽州府治先教化崇學校訪便民事上

之請蠲減婺源綉絹茶租折帛錢月椿錢請照咸平紹興乾道

寬恤指揮受納徽絹定每疋十兩請下常平轉運兩司豫蓄常

平義倉備荒興修陂塘勸築百梁以父憂去

宋史本傳

趙希慤嘉定中徽州推官上官檄委鑿山取石砌漁梁又撥錢

五千緡以備將來修築希慤措置得宜民不知擾

南畿志

彭方字季直桐廬人嘉定間知歙縣愛養民力征賦以時太守

袁甫賢之發郡帑五百萬佐其惠政方悉以代輸下戶折斛之

額始方父子皆從學於朱子至是即縣齋建祠并為記新安文獻志

劉炳字叔文紹定閒知徽州新學舍教育士子撥田以繼廩粟

減租蠲逋罷巖鎮市榷南畿志

謝采伯紹定閒知徽州府徽與衢嚴接壤盜發常山采伯請調

兵遏之禱雨輒應虎豺遯跡新安文獻志

任良弼嘉定中令休甯時臣僚奏乞下江東漕司問拯弊之策

良弼請本縣折帛一項減三分之一又請蠲積欠二十萬緡詔

俱從之南畿志

王柟字木叔永嘉人知績溪政以興民利為先相視原隰開陂

塘三十六所蓄水灌田縣人德之績溪縣志

魏克愚字明己臨邛人了翁之子淳祐壬子知徽州闢貢院作

橋梁政恬事熙民安其化南畿志

王應麟字伯厚慶元府人知徽州其父撝嘗守是郡父老皆曰

此清白太守子也摧豪右減租賦民大悅宋史本傳

元趙謙樊川人至元四年以懷遠大將軍為徽州路總管言於

行省夏稅折納絲絹為邦人永利南畿志

許楫字公度太原人至元閒為徽州路總管民租入親視槩量

時當桑哥立尙書會計天下錢糧戶部尙書王巨濟倚勢刻剝

遣吏徵徽民鈔多輸二千錠巨濟怒其少欲更益千錠楫曰公

欲百姓死耶生耶如欲其死雖萬錠可徵也巨濟怒解徽州賴

以免考滿去徽之績溪歛縣民柯三八等因飢阻險為寇行省

左丞以兵捕之相拒七月使人諭之三八等曰但得許總管來

皆降矣楫單騎趨賊壘眾見楫來皆拜降元史本傳

陳發江西人元貞中為休甯尹單騎之官首開渠溉田各數千

項府檄收永豐倉廩料量公平無粒粟羨溢秩滿仍單騎而歸

南畿志

郝思義字宜之真定人大德中徽州路總管以宰相子自裏衣糧來郡新學宮刊朱子語類蠲除酒稅頒農桑輯要於里社縣囚至郡即遣民立碑記之

南畿志

宋節燕京人大德中為歙尹勸農桑農有惰者令社長供報籍充夫役俟改悔後除名又諭父老徧立鄉塾訓子弟杜絕私謁門庭闕然

新安文獻志

干文傳字受道新安文獻志吳縣人知婺源州以禮訓民禁婚喪之踰制者創州學及晦庵書院

元史本傳

張景周歙縣丞不剛不柔善於裁決美政流行民懷思之

明統志

張毅字彥宏洛陽人大德中為績溪尹歲饑勸富民分賑復置

義倉儲粟有飛蝗蔽空羣虎入境毅虔禱於忠烈廟是夕大風

雨蝗盡滅又有猛獸如彪逐虎食之民為立石紀事

南畿志

周希濂字君儒永嘉人為黟縣尹嘗著臨民出政之方凡五十條以授初仕者

趙汭周侯政績記

劉耕孫徽州路推官詳讞疑獄政績卓然

元史本傳

薛居信字仲宣河東人皇慶中為祁門尹初至元閒官行括勘

法官吏虛增民田數居信獨赴公省自實蠲減虛數

南畿志

張蒙字完德濟甯人天歷中為祁門尹歲饑躬詣各都發廩分賑勸富民平糶招諭商旅米艘踵至民賴以濟

江南通志

巴特瑪實哩蒙古人至正中授休甯縣尹會斬黃寇陷郡城實哩率所部由歙捷徑直要其衝破之遂復休甯帥臣就舉為休甯達瞻噶齊治以平易寬厚民大悅

一統志

張士謙樂安人至正中以南臺御史出知婺源州明兵至力守

五十餘日城陷被執先戮其妻脅之降士謙曰吾為國死忠豈

畏死耶遂遇害事聞追封清河郡伯新安文獻志

唐棣字子華吳興人除休甯縣尹先是豪民好為併兼貧民至

空產賦往往逋亡棣釐其弊具為科條擇任廉吏宿弊一清流

逋歸復又重新學宮虞集黃潛皆有文紀其事明統志 浙江通志 增修

明張理字玉文安仁人太祖既取徽州路辛丑歲召理至南京

擢知黟縣事駁在萬山中高陵巨壑皆有賦民不堪命會部使

者至理力陳之言與淚俱使者以其事聞下營田司核實惟田

輸糧餘皆置不問黟民得以少紓宋濂文集 朱國楨明史概 新增

何敏中江西廣信人洪武中祁門知縣有政聲嘗疏不便事於

朝朝廷嘉之賜以酒遂升本府知府益加清慎事簡民安一統志

魏君祥壽陽人明初以行省管句知徽州攜一僕之官除一切

苛政治城濠均賦稅修輯廨舍官庾建朱子祠以弟子配享新安志

文獻

白謙濠梁人明初知婺源州甲辰冬鄰寇陷城遇害葬於縣之

環村南畿志

陳彥回字士淵莆田人洪武三十一年知徽州府靖難師起彥

回糾兵將入援事定被繫爭以大義而死南畿志

張齊錢塘人明初知歙縣時官民廬舍皆燼齊諭民復業課農

桑興學校構紫陽書院政治蔚然南畿志

吳春建安人永樂中婺源知縣有惠政卒於官士民巷哭一統志

石啟宗江西樂平人永樂中以薦舉為歙縣知縣守官廉謹善

決滯獄卒於官民懷不忘一統志

吳遜夾江人知歙縣以廉靜為治手植庭柏至今比之甘棠江南通志

朱珍字仲理明初知休甯縣建縣西門江南通志

鍾友諒字明德魏縣人明初知祁門縣薙蓬蒿開市井招連逃

闢土地建立廟學百廢俱興江南通志

余寶字均玉袁州人明初知祁門縣勅各官廨及坊巷開新河

為橫梁以便民江南通志

王虎洪武初知黟縣時羅寇甫平招撫流散勸課農桑政治第

一南畿志

黃彪臨川人永樂七年黟縣丞縣故折收苧布後改徵棉布地

不產棉頗為民患彪其實請如舊詔許之南畿志

陳斌錢塘人宣德間婺源知縣居官廉約民服其化在任所修

學校及新朱子祠一統志

龍晉字遵序吉水人由進士知徽州府開良塲灌田三千餘畝南畿志

孫遇字際時福山人正統中知徽州先是歲造弓費累萬遇獨

減十之九乙巳京師有警檄郡邑造軍器鐵價踊貴遇令民出

廢鐵旬日而集景泰閒休甯黟縣饑民聚眾劫粟按郡者欲發

兵剿之遇單車往諭即解在郡幾二十年後擢江西布政使新安志

文獻志

張魁字萬選新淦人正統閒知績溪縣清釐糧冊民無欺隱築

塲溉田千餘畝有兄弟姪爭田久不決魁引普明故事作詩

諭之俱悔悟罷訟新安志

陳寓字時安福建甯德進士知休甯縣搜剔吏蠹片言折獄數

年邑大治

福建通志新塔

董復字德初會稽人成化中知黟縣黜奸胥卹貧弱邑多山谷

大雨時行壞民廬舍復築隄捍之更闢田數百餘畝

新安文獻志

陳金湖廣應城人成化閒知婺源縣鄰寇猖獗弗敢犯設社倉

積穀萬餘石清望甚著民間造酒其最清者輒以擬之

徽州府志

南通

彭澤字濟物長沙人宏治中守徽州葺學宮新紫陽書院課諸

生拔其尤者廩給之

江南通志

何歆字子敬博羅人由御史出守徽州郡數火災歆下令郡中

五家為牆里邑相效家治崇墉自後六七十無火災災輒易

滅

新安文獻志

畱志淑字明山晉江人正德中由杭州守改徽郡六邑晏然蘇

郡飛派白糧力為懇免杭人請於朝願還其守奏可復治杭徽

民立祠祀之

江南通志

唐勳廣東人授休甯知縣正德九年江西姚源賊王浩寇婺源

入大鰲掠休甯南鄙勳募義勇親率至塔嶺截擊破之

一統志

鄭玉字于成莆田人嘉靖閒知徽州府歲饑引諸生問閭閻疾

苦多方賑恤時皇木擾民為奏免之

江南通志

王繼禮字節齋文縣人嘉靖壬辰知徽州府性廉直郡無墨吏

會朝廷遣真人有事齊雲山中官數輩供億百出父老皆恐繼

禮曰是無與民事有太守在願以身當之中官不得逞四境蝗

起虔禱於神一夕悉飛去

江南通志

陶承學會稽人嘉靖中知徽州設爨具於廳事前兩造刻期至

攜米自炊曲直立判去民有半升賢太守之謠

江南通志

史桂芳鄱陽人嘉靖中歙縣知縣會倭寇數千掠民境上桂芳召邑中丁壯子弟設備與抗倭即遞去先是歙邑無城至桂芳乃始倡築之一統志

吳瑄漳浦進士知婺源縣下車即揭四語於柱曰譖愬不行強禦不避苞苴不入關節不通六年守此如一日婺源縣志

高節永清人嘉靖中知歙縣時以部派有所徵索民將上控節助資遣之後得免歲額徵完報上官每後他縣曰不如是人將謂歙民富徵派日滋民重困矣江南通志

劉廷梅字與和南昌人嘉靖中知歙縣首禁訟師民有訟輒諭以情理民皆感泣尋徵為主事以犢車載母敝衣羸馬從之父老奉壺漿遮道百里不絕江南通志

宋國華奉新人嘉靖閒知休甯縣莅任決疑獄以十數釐清賦

役視前減三之一江南通志

秦聚奎漢陽進士知績溪縣縣衝要頗以供億為苦聚奎題其郭門云道路衝繁一切馬夫差役苦山城瘠薄百般品物購求難後上官過境皆為止城外官至京兆丞績溪縣志

尤烈字子偉晉江人嘉靖閒知祁門縣常齎錢酒出郊外勞農而鞭其游惰者時旁郡飛坐白糧鄰邑擬任之烈獨毅然脫冠以爭事遂寢又清軍使者多斃人杖下行部至祁烈委曲調護

全活甚眾江南通志

屠存仁知黟縣政簡刑清去官惟敝衣兩篋江南通志

杜銓鄞縣人嘉靖中知黟縣冬月無炭令家人暴簷暉有餽一魚者卻而責之江南通志

郭宗磐字漸甫福建晉江進士授徽州推官有巨室掘新埋殍

句誣人以死久不決宗磐廉得其冤狀一日徧召操藥裡者至詰某日何事其一云是日成三家一為殍句如所指家按視則中無有矣其獄立剖又有猾胥當坐法乃給駭者曰適有細故一詣公庭便可了且餌之財駭者利其財往讞者不知其偽也繫諸獄宗磐稔知其冤釋駭者使出密令人隨其後戒之曰出有與語者便捕來果得猾胥置之法郡人稱神明

福建通志 新增

張濤字元裕黃陂人萬歷中以科臣放歸起知歙縣始至大旱既復苦雨濤散賑請以贖鍰令富人買米平糶又倣昔人以興作救荒乃作河西隄葺祠宇建塔霞山民多食於官饑不為害以遷去民肖像祀霞山

江南通志

萬國欽字二愚新建人萬歷十一年知婺源縣始發通衢以石歲饑傾儲為賑又諭富民平糶出粟者旌私閉者罰暇即進諸

生課藝手定甲乙文體翕然一變擢御史

江南通志

劉一燝字著泉南昌進士令祁門邑狹民不足於食仰他郡之轉輸一燝勸民出穀置社倉準朱紫陽法鄉各建倉凶荒得不告匱

江西通志 新增

洪應衡知徽州府下車廉奸胥數人寘之法一郡肅然時瑞案株連戕善類應衡曰吾不能殺人以媚人悉報罷後乞休去

江南

通志

林鎬字元和福建連江舉人知績溪縣始至訟者盈庭諭之曰令執惟法法由情定訟於令曷若訟於心爾等詭不以情法不汝宥也訟者稍寢邑歲入粟米布縷并錙幣羽革之屬徵則紛然鎬視緩急立程限民乃紓

福建通志 新增

朱大雅字正之桐鄉人天啟乙丑知祁門縣務以禮教導民縣

有山出土每歲江右陶人買為瓷置二千金例歸令大雅則以給工治稠木嶺險道六十里巖市鎮民變太守擁兵閉城檄屬令大雅至一言而解逆璫建祠力拒之守忱以利害不少懼遷大理評事去之日行橐蕭然江南通志

陳錫明平湖人知徽州府民貧賦缺錫明多方調劑為前人完積逋三萬常語僚佐曰守官如守身身失而得官如衾影何江南通志

金蘭字谷生會稽人天啟中知婺源縣諸生貧者置田贍之修廉惠倉以備旱潦江南通志

戴自成漢陽人知徽州府時皇木官銅波害無辜自威力請省豁嘗謁直指於姑孰值建陽軍變殺奸胥脅甯郡丞赴教場將釁鼓自成單騎冒白刃抗聲諭以逆順自辰及未眾呼青天亂

始定丞乃獲免江南通志

翟敬字行簡猗氏人以檢討謫知休甯縣善察疑獄庭無冤滯民舍火敬向火再拜風反火滅邑治門廡鼓樓三思橋皆所創

建江南通志

石萬程字軫餘湘潭人天啟進士知徽州值緹騎十六人以檻車徵中書舍人吳養性養性大俠徽人德之集眾至萬人將焚錦衣萬萬程百方設法事得解後以爭黃山礦稅棄官去崇禎初起杭州知府政績甚著王繼文黃山紀聞

唐良懿吉安人崇禎時知徽州府正己率屬歲荒多方賑恤全活數萬時集諸生講學天都書院今即其堂祀之江南通志

溫璜字介石為程人崇禎末授徽州推官訓民兵為保障計南都覆守令皆遜璜盡攝其印以守知事不可為先刃其妻女遂

自到復蘇引手抉其創而死 江南通志

何起鳳南充人崇禎時以賢良方正授休甯縣丞善發奸伏鄰

邑疑獄皆求訊歲大旱起鳳與城隍神對繫三晝夜乃大雨 江南通志

國朝張學聖奉天人順治二年知徽州府時郡初定民多流徙學

聖招徠撫綏四民復業與徽甯道張文衡總兵張天祿加意輯

兵愛民後俱遷秩去時有挽不住三弓之謠 江南舊志

侯憲武永城人順治初知績溪縣時流氛未息有涇縣盜戕其

令餘黨闖入縣界憲武被執罵賊死 馮賓期侯君祠堂碑

張維光廣甯人順治中知黟縣時邑有逆僕宋乞朱太等聚眾

為亂大姓竄匿維光至佯不問密請上憲發兵擒其渠魁戮之

并剿餘黨百餘人民得安堵 江南通志

郭四維字帝京猗氏人順治四年知績溪縣邑奸民每借命案
展轉扳害四維知其弊痛懲抑之有誣告者必反坐民俗一變

江南通志

竇士範字方海蒲城人順治進士知黟縣為政務持大體奸胥

縮手豪猾斂迹清賦稅興學校復建挹秀橋於石山民不病涉

江南舊志

張仕縉福建邵武人順治八年以貢生知黟縣十六年海氛猖

獗逃兵乘機為亂仕縉發兵抵祁門斬渠魁劉養心等五人生

擒賊將李龍 黟縣舊志 新增

來承祉字駢第高陵人順治閒為休甯丞性廉介署績溪縣事

盡除陋規不受民間一絲一粟鞫訟好語款曲若家人父子去

之日送者如市 江南通志

李之鞞字郁和銅梁人順治閒知績溪縣發奸摘伏胥吏畏若

神明海寇告警百計撫輯民咸安堵去之日行李蕭然江南通志

朱應泰康熙閒黟縣典史攜一僕跨驢至官周行四鄉勸嚴守

望人貽以錢則駭逃後以老去官一僕久求去獨身而歸黟縣志

張行健字天行海鹽人康熙閒祁門良禾司巡檢值逆藩兵逼

城城陷都司臧世龍死之行健被執不屈亦遇害事聞

贈世龍遊擊將軍行健金山衛經歷士民立祠演武亭東并祀之江南通志

廖騰燧字占五將樂人康熙閒知休甯縣遇負氣輕生凡以服

毒自經投水來控者即勒令埋葬勿得株累民皆懲忿自愛又

俗錮婢不嫁悉禁絕之編審黃冊陋規苛派數千悉申請勒石

永禁擢御史邑人祀之海陽書院江南通志

林雲銘字西仲閩縣進士任徽州府推官有府吏稔惡逮至將

杖斃之吏呼曰小人罪固當死但以不能改過遷善齋憾泉下

耳遂釋之竟以善稱雲銘理徽九載多異政推官裁歸王時今世說

新吳之珽隴西人雍正閒知婺源縣除催科積弊既罷官貧不能

即歸士民日餉薪水每出百姓爭為肩輿概不受錢婺源縣志

張思賢正黃旗人乾隆元年鎮徽州訓練卒伍嚴而有恩遇水

火親為拯救厚犒其能用力者在任十五年兵民安之徽州府志

唐琦雲南南甯人知黟縣甫半載多善政去之日邑人繪攀輪

圖送之遠近題詩者不下數百人琦曰持歸可以對先人示子

孫矣黟縣志

魏化麟江西南昌人知徽州府理冤詰暴善政畢舉去之日民

草衣芒屨相送百里外涕泣而返書天下第一清官勒於石徽州府志

府志

何達善河南濟源人由莒州牧守徽州莒人老幼襁負數千人

環城以守夜乘閒乃得去在徽建文公祠紫陽書院復水利興

惠濟倉設蠶織局善政甚多徽州府志

馮大山浙江海甯人知婺源縣決斷如流無情者不敢欺以詞

乾隆四年卒於任婺源縣志

王錫蕃奉天海城人知績溪縣未歷任先採訪以故廉知邑事

買桑給民栽種立敬業書院以課士士風翕然績溪縣志

孫維龍順天宛平人乾隆二十六年知黟縣愛民好士清而能

勤繕城隍置義冢造橋梁纂修邑乘議買迎靄門外地建書院

工未竣調鳳陽後任續成之維龍其倡首者也黟縣志

張邦恆湖南醴陵人知婺源縣多善政乾隆四十二年重建文

廟久未訖工邦恆到任催督董勸即時告成婺源縣志

張振義江西龍泉人乾隆中知祁門縣嚴明有威尤銳意興利

除害邑人惑形家言往往停喪不葬多致暴露振義倡漏澤會

集民掩埋者數千棺人為立德政碑於百子堂祁門縣志

吳嘉善丹徒人知祁門縣政尚和易不以刻覈為能時修城祁

門例輸二萬協修他邑嘉善曰地瘠民貧豈能協濟蠲修本邑

城足矣詳陳大吏從之祁門縣志

呂子珏字孟巖武進人道光四年九月署黟縣兩月斷結積案

凡百有餘事民以為平黟境多山他縣流民往往聚眾挖煤燒

灰大為民害子珏擒治其首者民始獲安又創建試院節書院

允費俾克持久以母憂去官黟縣志

吳甸華字南昀沅陽進士嘉慶十三年任黟縣興建碧陽書院

哀儲經費復增置義冢葬二萬六千餘棺核報有編無業田千七百餘畝設官戶完糧驅逐棚民毋得墾山開煤燒灰十七年修縣志成詳准建立試院奉調去官

黟縣志以下新修

費元鎔吳江舉人選休甯訓導道光四年大水蕪湖一帶多鬻男女元鎔募資千金密至其地代為贖還二十二年海疆軍興勸捐五萬餘金濟軍又設豐備義倉積穀歲歉平糶卒祀名宦

祠閣

王蔭森字槐卿錢塘舉人道光八年任黟縣十一年水災請發常平倉穀平糶旋以憂去十七年再知黟縣約束胥吏緝捕訟師有生童相訐者授題作詩文評隲已然後判斷月課季試拔尤肄業署中禮方直博聞之士使邑人有所矜式十九年卒官黟人祀之

黟縣志

劉亨起字鶴田浙江進士道光十一年任徽州知府出示委員

周歷六屬勸民葬墳捐置義冢在任七年歷次府試錄取真才

振拔單寒為士林所稱

採訪續呈尚勳義冢錄胡

朱履字籽循石屏州人道光己丑進士任績溪知縣清訟懲奸

恤民惠士革除錢糧浮收積弊蠹紳土豪斂迹民歌之曰狼出

角虎添翼攫人飛觸人食誰弭其災邦之司直十二年任阜陽

縣建義倉賑饑多所全活

績溪阜陽等縣志

沈練江蘇溧陽舉人道光二十一年任績溪訓導教士為根柢

之學以孟子言王政重農桑乃自購桑種令妻養蠶治絲民家

傳其法蠶桑之利遂興著有桑書蠶書刊行

沈鍊桑蠶書纂績溪縣職官志

唐治字魯泉江蘇句容舉人道光閒任桐城知縣戊申己酉大

水多方賑撫

桐城縣志文漢光傳

咸豐初任祁門知縣以教養為己責籌

給東山書院膏火立倉廩以備歲歉咸豐三年訓練民團募勇
四年正月賊徧城登陴督戰擒斬十數人賊大至城陷殉難於
同治年

贈知府銜建立專祠世襲雲騎尉祁門縣志

鍾普塘字霖墅會稽人任祁門大洪嶺巡檢凡十八載軍興佐
理團練巡防勞瘁咸豐四年隨知縣唐治守禦城陷被執不屈
死奉

旨祀唐治專祠祁門縣志

達秀字毓峯滿洲人由刑部郎授徽州府知府飭屬修造橋梁
養濟院勸農訓士咸豐三年飭六縣興辦團練戢花燈蠱匪募
安勇以吳定州等領之四年春髮逆犯境祁門陷達秀率安勇
由黟漁亭進剿收復祁門縣城斬土匪陳隱鱗俘髮賊劉心以

祭知縣唐治民氣一振旋以勞卒官士民哀思之祁門縣續志
廉驥元字惺齋甯河舉人咸豐四年任歙縣時粵賊將徧徽境
驥元撫循百姓彈壓兵勇修堞積穀為固守計五年二月賊踞
巖鎮縣城民散步勸登埠無應者遂具衣冠自經於縣署後堂
遺書言守土無狀城亡與亡未足塞責云事聞

贈卹如例歙縣志

唐寶昌字協臣臨桂舉人咸豐四年署休甯知縣時逆氛漸徧
土匪乘機攘奪寶昌巡鄉緝捕四境肅然毋憂解任縣人請張
芾咨浙撫奏畱奪情復署招勇籌餉五年春夏六年秋縣城迭
陷均督團會同官軍克復籌費賑卹活難民無算七年去官萬
民塞道泣送八年以知府隨周天受援浙陣歿於桃花嶺

卹廕如例休甯縣志

張穎濱字少由河南拔貢咸豐十年以按經歷署歙縣丞受代

歙縣志

未去粵賊竄歙城陷自縊
張葆字霞辰陝西涇陽人歷任黟建德懷遠等縣其在黟時髮
逆偏境辦理團練并捐俸募勇交紳董程鴻詔協守嶺要民恃
無恐政亦恬和至今思之

黟縣採訪續冊

申協垣任婺源知縣咸豐十一年四月粵匪竄婺城陷殉難

縣志

婺源源

劉兆璜字幼礪湖北鍾祥進士咸豐十年任徽州府知府潔己
愛民十一年帶兵隨同皖南道李元度迎剿髮逆受傷府城旋
陷妻呂氏女采珠俱投井殉難兆璜被議褫職從曾國藩軍營
立功開復原官傷發卒

藩司案冊

張仁法字廉臣陝西山陽進士同治元年署黟縣二月賊六路

竄入仁法力保危城以縣印鈐衷服為識誓死與駐防兵擊賊
戰一日夜賊始出嶺後各營調去黟防空虛仁法重整練局親
歷四鄉拊循體察捕斬散勇民以獲安閏八月卒官橐無儲金
黔人集賻歸其喪兩江總督奏奉

上諭撫字勤勞未竟所用深堪憫惜從優議卹

贈知府銜廕子州判

黟縣志

重修安徽通志卷一百四十三
職官志
名宦七
甯國府
漢李忠字仲都東萊人建武六年為丹陽太守時海濱江淮多擁兵據土忠到郡招懷降附其不服者誅之旬月皆平乃起學校習禮容春秋鄉飲選用明經郡中嚮慕之墾田增多流民占著者五萬餘口三公奏課為天下第一遷守豫章後漢書本傳
馬稜字伯威茂陵人永元中江湖多劇賊以稜為丹陽太守稜發兵掩擊皆擒滅之後漢書馬稜傳
韓演舞陽人順帝時丹陽太守政有能名後漢書韓稜傳
陳黃建甯二年為丹陽太守時山越賊叛圍黃黃擊破之後漢書本傳

重修安徽通志卷一百四十三

職官志

名宦七

甯國府

漢李忠字仲都東萊人建武六年為丹陽太守時海濱江淮多擁兵據土忠到郡招懷降附其不服者誅之旬月皆平乃起學校習禮容春秋鄉飲選用明經郡中嚮慕之墾田增多流民占著者五萬餘口三公奏課為天下第一遷守豫章後漢書本傳

馬稜字伯威茂陵人永元中江湖多劇賊以稜為丹陽太守稜發兵掩擊皆擒滅之後漢書馬稜傳

韓演舞陽人順帝時丹陽太守政有能名後漢書韓稜傳
陳黃建甯二年為丹陽太守時山越賊叛圍黃黃擊破之後漢書本傳

紀

張馴字子儁定陶人以明經學典領祕書為丹陽太守有惠政
後遷大司農後漢書本傳

吳諸葛恪字元遜瑯琊人瑾子恪以丹陽山險民多果勁乞為
官出之三年可得甲士四萬拜撫越將軍領丹陽太守恪乃移
書長吏令各保疆界不與交鋒候其稼熟縱兵芟刈使無遺種
於是山民饑窮漸出降首歲期人數皆如本規三國志本傳
法雄宣城令善政事能發奸摘伏民甚畏之明統志本傳

晉鍾雅字彥胄潁川人為宣城内史錢鳳作逆率眾屯清弋時
廣德人周玘攻雅雅退據涇縣收合士庶斬之鳳平拜左丞晉書本傳

宋羊元保南城人景平中補宣城太守先是劉式之為宣城立

吏民七判制一人不禽符伍里吏送州作部若獲者賞位二階

元保以為非宜陳之由此制得停宋書本傳

王志字次道瑯琊人除宣城内史清謹有恩惠郡民張倪吳慶
爭田經年不決志到官父老乃相謂曰王府君有德政吾曹鄉
里乃如是爭耶倪慶相攜請罪所訟地遂為閒田梁書本傳

齊謝朓字元暉陽夏人明帝時為宣城太守每高齋視事吟嘯
自若而未嘗以玩替政南畿志

梁何遠字義方鄞人為宣城太守郡經寇抄遠盡心綏理開途
巷及牆屋民居市井城隍廩庫所構若營家焉秩俸並無所取
歲暮擇民尤貧者免其租調所至皆生為立祠梁書本傳

唐柳鎮河東人為宣城令政教大行吏民立石頌德韓文公集及注
裴耀卿字煥之絳州人開元中由濟州刺史徙宣州首務教化

率父老行禮奏樂歌白華由庚等篇明孝子養親萬物遂性之義聞者感泣又以雅聲久絕請太常笙竽琴瑟令州造習准令式行禮以厲風俗唐書本傳南畿志

班景倩開元中宣州刺史有風力恤疾苦除貪暴踰年黜賊吏以百計後入為大理卿陳簡甫良吏記

竹承構開元中繼班景倩為宣州刺史務戢奸宄黜貪暴與景倩等時有班竹之謠良吏記

裴敦復開元中刺宣州政務大體不事煩苛當時稱為良吏良吏記

王質宣州刺史清白畏慎為政必先究風俗所至有惠愛明統志

李孝偁天寶中太平邑初建首為令溫恭化洽太平縣志由太平令徙涇政清而簡不矯飾于譽士民懷之卒於涇子孫家焉廣德

盜起頻陷城邑入涇獨不忍壞其廬良吏記

崔俊字德長大厯中令南陵性介潔疾賄如讐吏籍民田糧失實賦多逋俊召父老言狀為覈正之積逋以完南畿志

范傳正字西老順陽人元和中令甯國韋瓘稱其肅以檢姦儉以約身和以納民敏以應務物不夭札民得休泰後攝南陵復

修大農陂民賴其利歷歙蘇湖三州刺史有殊政進拜宣歙池觀察使韋瓘修大農陂唐書本傳

沈傳師吳人寶曆二年由江西觀察使徙宣州傳師於吏治明吏不敢罔愼重刑罰每斷獄召幕府平處輕重盡合乃論決嘗

擇邸吏尹倫遲魯不及事官屬白易之傳師曰始吾誠倫可闕事不可多事如是足矣故所蒞俱以廉靖聞唐書沈既濟傳

宋賈黃中字媧民南皮人開寶中知宣州歲饑民多為盜黃中

出已俸造粥糜賴全活以千數仍設法弭盜因悉解去宋史本傳

李堅知宣城縣水泉委匯暑雨流潦輒傷禾稼堅峻為之防歲

以有秋南畿志

卞衮成都人太平興國中通判宣州淳化中上命擇庶僚中廉

幹者給御書印紙俾書課最仍賜實俸以旌異之衮與焉宋史本傳

胡宿字武平晉陵人寶元初通判宣州囚有殺人者將抵死宿

疑訊之囚憚箠楚不敢言辟左右復問久乃云旦將之田縣吏

縛以赴官莫知其故宿取其獄緝閱探其本詞蓋婦人與所私

者殺其夫而執平民以告也宋史本傳

呂誨字獻可洛陽人慶厯中任旌德簿治民主於愛利而疾姦

暴則嚴後入朝以直諫顯滕璘景呂堂記

吳遵路字安道丹陽人仁宗時知宣州上禦戎要略邊防雜事

二十篇宋史本傳

劉安節字原城温州人元豐中知宣州為政有程式不事刑威

人自不敢犯猾胥每相戒曰神可欺公不可欺州大水民苦疾

疫安節載醫藥拯撫以勞卒官南畿志

練慈延平人元祐中知旌德政尚簡易好獎士類邑子弟如汪

澥呂鎧皆其造就雅有清操人飲酒清者輒稱練長官酒嘗建

北渡橋當時亦稱為練公橋南畿志

李光字泰發上虞人建炎三年知宣州時范瓊將過軍光先入

視事瓊至則開門延勞畱三日而去無敢譁者光以密邇行都

繕城池聚兵糧籍六邑之民保伍相比擇其健武者統以土豪

得兵甲萬餘又柵險要二十三所釐城陘為十地分分巡內外

歲租輸邑者悉命輸郡初謹言不便及至守城之日贍軍養民

迄賴以濟潰將邵青剽當塗蕪湖兩邑閒光招諭之秋毫無犯
紹興中除江東安撫大使知建康壽春滁濠廬和無為宣撫使
時太平州卒陸德囚守臣據城叛光設方略盡擒其黨宋史本傳增

張果四川人建炎中知宣州州大水城郭將沒果抱民籍入水
死水勢驟減郡人求其屍禮葬之祠於城北南畿志

郭僕字同升祥符人建炎中知宣城縣苗傅劉正彥之變僕說
郡守劉玗請募勇士倍道赴難揭榜復用建炎年號人皆避之
宋史本傳

余良肱字康臣分甯人紹興初知宣州治為江東最宋史本傳
盧革字仲辛德清人由提點廣東刑獄請外神宗謂宰相曰革
廉退如是宜與嘉郡遂為宣州宋史本傳

林珣字德潤福建侯官人紹興初知宣城縣縣有筮岳豐稔兩
陂遏溪水以溉田自政和初為水所壞歲常苦旱莫能復者珣
修治期月而畢明年宣城大水破圩一百六十餘所而陂口不
動百姓更名曰林公泉福建通志新增

李琮字獻甫江甯人為甯國軍推官州庾積穀腐敗轉運使移
州散於民俾至秋償新者守將行之琮曰穀不可食強與民責
而償之將何以堪持不下守愧而止宋史本傳

許幾字先之貴溪人知南陵縣還民之託僧尼為奸者數百人
宋史本傳

林淳乾道中知涇縣甫至訪三農利病邑有陳雷二塘堙塞不
理久為豪家所據淳議復之凡修治古塘六百餘所民食其利

一統志

趙愷孝宗時判甯國府請增士人貢額從之愷究心民事嘗築

圩隄之隕圯者帝手詔嘉獎宋史本傳

郭堯字高叔淳熙中知南陵縣政尙慈恕嘗除工山阮冶之患

修復堰陂以資灌溉至今賴焉南畿志

李延忠字居厚臨安人開熙中知旌德縣創置學田八十餘畝

捐縣市諸鄉地稅錢九千餘緡膳學宮弟子建縣東石橋亭舍

十餘楹行者便之旌德縣志

張忠恕字行父縣竹人嘉定中知甯國府夏旱請於朝得賜僧

牒五十米十萬七千餘石常平使者欲均濟而勿勸糶忠恕慮

後無以濟遂核戶口計歲月嚴戒諸邑諭大家發蓋藏宣民以

甦宋史本傳

杜範字成之黃巖人嘉熙三年知甯國府適大旱以便宜發常

平粟又勸萬公富人積粟者發之民賴以安始至倉庫多空

未幾米十餘萬斛錢亦數萬悉以代輸下戶賦兩淮饑民多剽

掠其首張世顯尤勇悍擁眾三千餘人抵城下範遣人犒之令

勿擾以俟處分世顯謀窺城以計擒斬之宋史本傳

王遂字去非粵陽人淳祐元年出守甯國除積弊定斗斛置義

役奏罷蕪廢逃亡田稅嘗詣學宮訓厲諸生又載酒出郊慰勞

農人羣頌之曰作民父母後王前杜南畿志

孫夢觀字守叔慈谿人理宗時知甯國府蠲逋減賦無算泛入

者盡籍於公帑戶部遣官督賦急鬪郡惶駭夢觀曰吾當委官

以去毋病民以畱將以府印牒所遣官所遣官聞之夜遯他日

夢觀去甯國人爲之流涕丞相董槐召還帝問江東廉吏槐首

以夢觀對宋史本傳

趙與糖德祐初知甯國縣元兵至與糖率眾與戰死之吏楊義

忠亦戰死

南畿志

元劉性字粹衷廬陵人至元初為旌德尹廉明剛果修學剔弊

年穀屢豐虎不入境

南畿志

王相廬陵人由翰林院編修出為涇尹首覈民田以見業為準

禁兼并平賦役一切額外之徵力為請免

一統志

王貞字伯善東魯人元貞初為旌德尹慈惠有為凡學宮縣廡

壇廟橋道葺治一切

江南通志

吳師道字正傳蘭溪人元統中甯國路錄事歲大旱師道勸大

家出粟得三萬餘石復請於朝得粟又四萬石鈔三萬八千緡

有奇以充賑所存活三十餘萬人

元史本傳

呂良佐字唐臣為涇縣尹廉幹慈仁治民以信後朝廷延訪者

舊良佐與焉

南畿志

蘇濟字汝舟益都人至正初為涇縣尹浚渠均賦修學宮鑄祭

器復浮屠氏侵田以餼諸生百姓歌曰士民藝業通縣官有蘇

公又曰三載民無憂賴有蘇汝舟

趙孟頫書梅震蘇公政績記

劉耕孫字存吾茶陵人至正十五年為甯國路推官會長鎗賊

鎖南班等攻甯國耕孫日署府事夜督城守城陷力戰死

元史本傳

明陳灌字子將廬陵人洪武初知甯國府首詢民隱延禮師儒

倉吏為奸灌刻期行視諸廩吏得先期實廩而弊革旱潦洊至

灌增築圩岸為斗門以時蓄洩又作戶帖定版籍郡民稱便後

詔以其法行天下

南畿志

柳世榮洪武初知太平縣首務清理田糧黃山峭壁田不可耕

者申免稅糧一千五百餘石

一統志

梁德遠洪武中知太平縣蕪田逋稅悉折收輕齎以卹其困民肖像祀之

南畿志

宋獻棗強人永樂時知甯國府廉謹有為庠校祀典咸所釐正

居官九年門無私謁

江南通志

況子玉瀘州人正統中宣城知縣歲饑多方拯救民賴以全

志

一統

馮本正統閒旌德知縣在官奉職廉惠蒞政有方凡諸建作俱

可垂範

明統志

袁旭字廷輔樂安人正統初知甯國府改建府學壯麗甲諸郡創宛溪二石橋雖洊興大役民不知擾詔舉守令治狀卓異者行宴賚凡十人旭居第二後蜚語卒於獄郡人祀之濟川橋左

一統志 江南通志

陳雅晉江人正統中為宣城丞嘗攝縣事遇旱虔禱荷校自責

已果大雨歲賴以稔

南畿志

沈性字士彝會稽人天順中知甯國府裁冗費省繁科姑孰有重役宣城歲往協濟積為民病性奏改輸費免役一邑稱便

志

南畿

王弁吉水人成化中涇縣知縣歲大饑弁請蠲貸上官不許遂

自疏諸朝得請民賴以蘇

一統志

李延壽成化閒以御史謫宣城主簿遷知縣廉靜簡易庶事畢

集吏民宜之

明統志

尹清字周潔富順人成化中知旌德縣操持廉介平易近民秩

滿士民泣送之

江南通志

王濬字文深河南人成化十年以御史謫涇縣丞鋤強植弱均

賦役通錢法學校壇廡橋梁多所修建江南通志

姜綰字玉卿弋陽人宏治初以御史謫甯國同知杜私謁抑豪

強聽訟明允鄰境民訟不決輒白當路願屬姜丞由是委任叢

集所至咸服諺曰甯郡司馬薑老愈辣廣輿志

涂觀成化閒知甯國府為政寬平鎮靜號稱長者時有天降涂

來解倒懸之謠明統志

強珍滄州人成化初知涇縣請減額賦民懷之一統志

顏祿壽字天庇巴陵人宏治中為甯國通判有持百金屬左右

寘帷中者斥不受暇即荷鋤治圃一室蕭然江南通志

樂護字鳴音臨川人宏治中知宣城縣廉明有才饑民聚黨肆

劫護單騎撫諭眾咸感泣因計口以賑入覲遇盜發笥止銀四

十兩盜曰久聞宣城樂青天乃汝耶還之而去江南通志

李鸞字天瑞固安人宏治中由御史謫知涇縣建尊經閣置義

冢造浮艘諸所繕舉甚眾江南通志

張瀚字克容博平人宏治中知太平縣明敏清勤積穀備賑興

學育才治績甚多江南通志

李文字載道嶧縣人宏治中為宣城主簿初邑文廟以附府輟

祀文始行春秋釋菜禮因著為令捐俸創雙溪石梁至鸞其家

驟車以足之橋成宣人德之名李公橋南畿志

胡文靜正德中知南陵縣為人簡恕應物無滯加意士習裁冗

費歲大祲多方賑救後擢御史去明統志

蕭山荊州人正德中宣城丞以廉直忤當路罷去不能具行李

時編修邵銑為推官贈以詩有去馬人爭挽歸裝月共寒之句

江南通志

及宦字士顯交河人正德間由給事中出知甯國府質直有清操高淳有豪民以養馬援宣涇諸邑協助撫臣將如議宦力爭得免當宦爭馬政時其父適從北來持蓋躡屨止署外呼宦語曰汝幸毋得罪百姓異日可相見也飯於廨後旋挾蓋躡屨而去其時已受給諫封矣其父子清厲如此甯國府志

胡東臯字汝登餘姚人正德中知甯國府有才略會大造版籍更定里甲搜剔奸弊田賦一清修築圩堰曲為擘畫又嘗躬歷屬邑民有訟輒就聽之江南通志

賈啟字啟之黃岡人正德中知涇縣為政嚴明事至即決邑雖煩劇而公庭闐寂時有官清吏廢之謠江南通志

王廷相字子衡儀封人正德中以庶吉士謫知甯國縣器度宏闊以文學飾吏治期月閒百廢俱舉江南通志

劉起宗巴縣人嘉靖中知甯國府負才彊敏嘗檄諸屬邑覈實田數履畝丈量官民均賦創涇縣水西精舍置田膳多士聘名賢講明正學一時人士蒸蒸嚮慕江南通志

劉世亨臨川人嘉靖中知涇縣歲時巡行鄉落勸民力耕建社倉教以積儲斂散地多盜令鄉募武勇以巨室主之分布要害賊發輒獲以治行高等徵為吏部主事一統志

方逢時字行之嘉魚人嘉靖中知甯國府景王之國所過陵轍守宰多亡匿逢時獨往部署所需皆立辦又面陳諸璫驕橫狀王為引罪治之江上諸郡藉是得無擾大盜馬黨等越獄禱於神逸盜皆就縛數年外戶不閉一統志江南通志

李默字時言甯甯人嘉靖初以吏部郎謫判甯國廉峭不阿尤慎徵派重建靖難死節尚書陳公祠纂修郡志矜嚴有體江南通志

雷禮字必進鄂城人嘉靖初為甯國推官獄獄明慎涇有豪民
吳榮四與華某格鬪而華死榮四急箠殺其僕昇於華所以當
之無何華甦榮四更愬華殺其僕論死禮廉其實坐榮四罪華
得釋江南通志

周奎字眾賢萬安人嘉靖中知宣城縣廉儉慈愛歲大饑發廩
出帑推士夫之忠信者行各里散給民不入市並得全活江南通志

楊九韶餘姚人嘉靖開知南陵築圩一十五里瀦洩有法至今
利賴邑苦養馬九韶奏蠲八百七十四匹民困以蘇一統志 江南通志

周詩字汝學錢塘人嘉靖開知南陵縣歲大水奏請減逋負數
千又請豁種馬牧害少息清覈奸民隱田一千有奇田賦以均
一統志 江南通志

鄧永春字子元長垣人嘉靖開知南陵縣創建縣城徙建學宮

覈田畝清賦役民頌再造江南通志

林文瓊江山人嘉靖中為南陵丞不攜妻孥俸錢每贍貧民暇

即與士人講明正學民有貌古心亦古節苦身更苦之頌江南通志

胡永成字思貞安福人嘉靖中知涇縣敏斷有為獎勵英俊清

里籍祛蠹弊積粟萬餘石歲禮賴以賑給江南通志

陳守仁號我山德化人嘉靖開知涇縣有清操崇尚風教著論

民集訓申述古禮以艱去賄贖悉不受鬻衣以行江南通志

鍾紐字東岑永豐人嘉靖中知涇縣政崇寬簡清節始終如一

嘗捐俸贛路十里造下坊渡浮橋以調去民有遺思江南通志

彭明甫字則誠萬載人嘉靖開為甯國丞約已愛民去之日僅

敝衣數襲江南通志

張鳳翀甯州人嘉靖開知旌德縣時高瀆奏派養馬旌民洵懼

獅抗言山嶺非芻牧之場囚服詣軍門力辯得免以才調丹陽

輕裝就道

一統志
江南通志

甘澧蘄州人嘉靖十三年知旌德縣時條鞭未行澧裁省尉傳
寬里甲諸費有中貴過縣索供帳橫甚澧遣吏致堂廩吏不敢
往澧乃易吏服往見中貴怒曰令安在答曰邑如懸磬不足以
犒從者令遜矣中貴度無所得乘傳去

一統志

王睥安福人嘉靖中甯國訓導建鳳山書院進諸生討論聖學
寒暑不輟嘗輯四禮纂要刊行

江南通志

王嘉賓字光國滕縣人隆慶中知甯國府刻文天祥勸農辭誠
諭勤懇涇奸民董代聚眾將倡亂檄兵捕治先是東溪以舟濟
時苦漂溺為建石橋四十丈民德之稱惠濟橋

江南通志

姜奇方字孟穎監利人隆慶五年知宣城縣周悉民隱建預備

常平二倉儲穀待賑創水陽諸廠斂粟待兌至今稱便

江南通志

蕭良譽字以孚漢陽人萬歷閒知甯國府勸民力田敦孝弟嘗

課諸生首識湯賓尹必冠南宮卒如其言

江南通志

詹事講樂安人萬歷中知宣城縣嘗盡發儲米三萬石賑民丈
量令下里甲騷然事講履畝核盈縮奸猾弊息田溢額而賦不

增一統志

金勵字霜鐔西華人萬歷閒知甯國府振風紀明正學獎拔寒

暖兼置田膳之歲災力請蠲貸遣糴楚豫平糶民不告饑

江南通志

黃尊素字真長餘姚人萬歷中甯國推官嚴明執法豪貴斂手
公餘則引生徒講課士類興起以治行擢御史

一統志
廣輿記

陳公相字子顯漳浦人萬歷中知宣城坦易剛直吏民畏縮歲
旱多方拯卹建議改折漕粟二萬石以去就爭卒報可建待學

書院置養士田文治大興江南通志

沈堯中嘉善人萬歷中知宣城縣墾荒築堰濬川瀦陂礮确皆

為沃產一統志

盧維屏字建臺忻州人萬歷中知宣城縣清介有風力時里役之弊私費倍公賦維屏置甌庭中細民得自納省煩費築新稔

石陂免新河莊竹木雜稅江南通志

張堯文字復吾新淦人萬歷中知涇縣寬和簡易而發奸摘伏

如神復水西書院祀田歲連祲經營賑貸全活不下萬家江南通志

張時轍南城人萬歷中知旌德革耗羨勸農桑時中使以開採

至供億不貲時轍悉從官辦絕不擾民會大計當課最鄭司理

以挪解錢糧難之旌民一夜代輸五百金其得民如此江南通志

蘇宇庶字士諧福建晉江進士知旌德縣里役苦解錕用吏代

之張胡爭佃胡誘勾至醉斃之翌日張過胡與爭毆遽出死者

謂張斃之張不能白誣服宇庶廉其情抵胡於法有蔣鉞者向

倡索負倡賄賊誣鉞為窩主云鉞家得首飾數十復賄失主實

之屢訟冤宇庶詰失主曰貧人何多首飾曰小人有母有嫂有

妻有妹合之故多曰四分之孰為母為嫂為妻為妹其人如言

謬分之則曰吾將亂之召爾母嫂妻妹來物色則若何失主詞

窮乃吐實鉞冤雪沈貸潘三百金潘率僕偪償天寒甚沈夜半

令僮奉冷酒於潘僕以怒之意其怒必毆僮可陷以罪潘僕果

怒毆沈與其妻弟趙某突入擊死僮大叫潘某殺我家僮訟於

官不能辨且昏無證者歷十五年前後令不能決宇庶始訊得

實獄乃定福建通志 新增

鄧啟隆安福人天啟初為甯國推官清苦自勵嘗他出家人誤

受一人香薷敗隆歸追而還之嚴寒所服氈四緣皆蟲嚙士民

嘆服

江南通志

宗敦一字凌霄四川人崇禎五年知旌德縣政崇簡易禮士愛

民劇盜呂大祚等剽掠行旅悉擒治之

江南通志

余颺字賡之福建莆田進士知宣城縣善折獄有數年不決者

為之一清蝗起禱於神忽大風吹蝗盡入南湖歲以大稔分校

江南鄉試方以智出其門宣城人祀之

福建通志 新增

邱祖德字念修成都人崇禎十年進士授甯國推官以才調濟

南歷右僉都御史福王時削籍流寓甯國舉兵應金聲被獲死

之

明史本傳

尹民興字宣子崇禎初舉進士歷知甯國涇二縣除奸釐蠹有

神明之稱福王時流寓涇縣唐王以為御史

明史邱祖德傳

高承埏浙江人崇禎時知涇縣沈毅有威望定踐更均郵遞革

加耗絕餽遺訟簡民安涇人歌曰琴溪水清且芬崑山阜青入

雲誰其化高使君

江南通志

喬明旃永城人崇禎中知旌德縣捐貲築堰以通水利由是邑

田屢豐

一統志

國朝秦宗堯字明宇奉天人順治九年授甯國知府性廉儉嘗質

衣自給米薪蔬腐人皆得稽其數郡舊貢黃連非甯產也民慮

不供已奏折直三之二順治十三年

詔許知府得言地方利病宗堯同巡按御史鍾有鳴交疏請改得全免

一統志 江南舊通志

劉九禮陝西人康熙十年任甯國營參將軍令嚴明約束士卒

無得擾害有一卒暴取民薪立置之法甲寅饒賊掠近境郡邑

震動九禮防禦有方以靜鎮之民恃以無恐擢京口副將百姓
遮道拜送馬不能前江南舊志

傅大業字用滋建昌人康熙閒知太平縣值歲旱大業捐米為
倡又親詣邑大姓委曲勸諭設廠發粟編名立竿以次給發萬
人無一遺亦無一譁者盜某妄指鄰家未字女為媳大業屢折
其誣盜辭卒不易憲檄嚴駁執不少移後竟得釋一統志 江南通志

馬光字幼實鄒平人康熙十三年知甯國縣邑素僻陋光下車
建尊經閣立西津書院諭民以禮教俗為一變時徽浙兩界伏
莽跳梁練鄉勇嚴偵候迄不敢犯邑中有無賴子屢作不靖光
擒其渠魁寘之法民以安堵嘗與水利較權量至今有馬公塘
市肆閒以馬公斗為準治邑六年以卓異薦擢御史一統志 江南通志
王鄰字欽四曲周人康熙十六年知太平縣時禁革里排他邑

以錢賦奇零夫馬紛錯或仍問之里排鄰獨奉行禁革如例聽
訟則令原告自持一牒投被訴之家兩造至庭即片言決遣五
載不遣一役至民家絕苞苴杜請託以卓異遷部曹江南通志
陳主策字世持河南靈寶人康熙三十年知甯國縣首禁革糧
里行一條鞭法以便輸納折獄明允負者亦心服遷理藩院判

江南通志

蘇一圻山東壽光人乾隆五年知旌德縣廉能有聲教諭王文
英創修學宮尊經閣奎文塔一圻為之經理士民踴躍次第告
成旌德縣志

王廷棟大定府人乾隆十七年知涇縣歲大旱徒跣數十里至
承流山禱雨雨大注時人謂之王公雨涇縣志

張天祐山西安邑人乾隆二十九年任旌德縣慈祥耿介嘗署

堂楹曰眼前皆赤子頭上有青天旌德縣志

鄧愷江蘇無錫人旌德教諭每月課士必面指其得失藝林傾

服明倫堂圯捐貲倡修高敞宏麗足壯宮牆之色旌德縣志

李廣峯廣東嘉應州人乾隆二十年知太平縣胥役莫敢為奸

豪強斂跡民戴之如慈父母祀名宦祠太平縣志以上舊志

李鳳丹元和附生乾隆五十九年任甯國縣勤政愛民沿城田

距水甚遠捐廉決渠引水入灌又倡修學宮建書院後歲旱竭

誠步禱風雨驟至感暑溼卒官祀名宦祠閣鈔以下新修

曹夢鶴字琴軒江西湖口進士嘉慶十三年任宣城知縣單騎

擒匪境內肅然四校鄉闈時稱得士桂超萬養浩齋詩注

周之冕荆溪拔貢生初為池州訓導盡心啟迪為士林所懷嘉

慶十八年知太平縣治尚清簡尤加意學校學宮前舊有崔項

二姓屋頗阻塞之冕勸令捐基以拓外垣又祭祀無樂諭陳姓者捐備太平學之有樂器自之冕始太平縣學呈冊

歐陽黎照湖南進士咸豐三年署太平知縣四年帶勇復石埭

六年髮逆由黟縣竄境黎照同把總戴廷幹督團迎剿戰於新村白沙嶺陣亡越七日斂面如生士民哭奠甚哀

祀世職如例太平縣志

崔琳解州舉人知涇縣咸豐四年督團防嶺剿賊於楊田埂六年三月賊撲縣城督勇禦之東門又會合鄉團大戰南城外十月城陷死之涇縣志

顏培文字博洲廣東連平拔貢任甯國知府咸豐十年城陷死

之蒙

恩卹贈太僕寺卿銜世襲雲騎尉奏案鈔存

李鴻福建龍巖舉人咸豐九年署甯國縣知縣十年八月率練堵剿粵逆陣亡於同治閒奏

卹英翰奏案

范慶徵廣東連平人從九品咸豐十年代理宣城主簿八月在甯國府城禦賊陣亡於同治五年奏准

贈鹽知事銜世襲雲騎尉奏案鈔存

劉西園字爽亭直隸舉人咸豐六年知南陵縣部署守具兵民相安七年集團越剿九郎廟等處賊巢獲勝又率團會合官軍規復縣城九年調署涇縣十年正月城陷死之南陵縣志涇縣志黎福疇湖南進士涇縣知縣同治元年軍務繁興福疇代理甯國府事有惠政積勞卒官曾國藩請照軍營立功後病故例

賜卹贈銜廕子如例奏案鈔存

張世昌字子敬大興人同治元年署南陵縣時城民不滿百無復人形世昌捐粥日二哺之又令種菜子瓦礫中經旬可食二年春荒世昌赴省請米二百石并興圩工代賑親詣監放染疫疾卒遺稟痛訴民瘼請委賢吏曾國藩奏請

賜卹贈銜廕子如軍營病故例南陵縣志

曾開驥湖南舉人同治二年署南陵縣捐濟饑民并請賑米多所全活又為文禱城隍廟野獸滅跡民得耕稼甚感戴之旋卒

官南陵縣志

[Blank page with faint grid lines]

